



## Universitätsbibliothek Paderborn

**Decretvm Vt omnes Regularium Superiores suos subditos,  
& Religiosos persaepe commoneant de iniuncta omnibus  
obseruantia, & executione Apostolicarum Constitutionum,  
& Decretorum ad Officium ...**

**Urban <VIII., Papst>**

**[Romae], 1645**

XXXI. Inquisitorum haereticae prauitatis facultas, procedendi contra Sacerdotes, qui mulieres poenitentes in actu confessionis, ad actus in honestos prouocare, & allicere tentant. Pivs Papa Quartvs, ...

**urn:nbn:de:hbz:466:1-10826**

## XXXI.

Inquisitorum hæreticæ prauitatis facul-  
tas , procedendi contra Sacerdotes,  
qui mulieres pœnitentes in actu con-  
fessionis , ad actus inhonestos prouo-  
care , & allicere tentant .

PIVS PAPA QVARTVS ,  
*Ven. fratri Archiepiscopo Hispalensi in*  
*Regnis Hispaniarum hæreticæ prauitatis Inquisitori generali .*

Edita A. D  
1561.

CVM sicut nuper, non sine animi no-  
stri molestia, accepimus, diuersi Sa-  
cerdotes in Regnis Hispaniarum, atque  
etiam in eorum Ciuitatibus, & Diœce-  
sibus curam animarum habentes, siue  
eam pro alijs exercentes, aut alijs au-  
diendis confessionibus pœnitentium de-  
putati, in tantam proruperint iniquita-  
tem, vt Sacramento Pœnitentiae in actu  
audiendi confessiones abutantur, nec il-  
li, & qui id instituit Domino Deo, &  
Saluatori nostro IESV CHRISTO iniu-  
riam facere vereantur, mulieres videli-  
cet pœnitentes ad actus inhonestos, dum  
earum audiunt confessiones alliciendo,  
& prouocando, seu allicere, & prouoca-  
re tentando, & procurando, ac loco ea-  
rum per Sacramentum huiusmodi Crea-  
tori

Quidam Sa-  
cerdotes atu-  
tendo Sacra-  
mēto Pœni-  
tentia, mu-  
lieres in actu  
confessionis  
ad actus in-  
honestos pr<sup>e</sup>  
uocant.

tori nostro recōciliationis, grauiori pec-  
catorum mole eas onerando , & in ma-  
nibus diaboli tradendo , in Diuinæ Ma-  
iestatis offensam , animarum perniciem,  
& Christi fidelium scandalum non mo-  
dicum.

**Contra quos  
iste Pont. ab  
Inquisitorib.  
hæretice pra-  
uitatis inqui-  
ri decernit.**

**Locus refi-  
tutus .**

**S. I.** Nos in animum inducere ne-  
queuntes , quod qui de Fide Catholica  
recte sentiunt, Sacramentis in Ecclesia  
Dei institutis abutantur , aut illis iniu-  
riam faciant , Fraternitati tuæ, de cuius  
eximia pietate, virtute, atque doctrina  
plurimum in Domino confidimus , per  
præsentes committimus , & mandamus,  
quatenus per te, vel per alium, seu alios  
à te deputandum, seu deputandos, con-  
tra omnes, & singulos Sacerdotes dicto-  
rum Regnorum , ac illarum Ciuitatum,  
& Diçcesum de præmissis quomodolibet  
diffamatos, tam seculares , quam quo-  
rumuis etiam exemptorū , ac Sedi Apo-  
stolicæ immediate subiectorum Ordinū  
Regulares , cuiuscunque dignitatis , sta-  
tus, gradus, ordinis, conditionis, & præ-  
eminentiæ existant, tam super præmissis,  
quam super Fide Catholica, & quid de  
ea sentiant diligenter inquiras, & iuxta  
facultatum tibi contra hæreticos, aut de  
hæresi quouis modo suspectos à Sede  
Apostolica concessarum continentiam  
& tenorem procedas , ac culpabiles re-  
pertos

pertos iuxta excessum suorum qualitatem, prout iuris fuerit punias, eas etiam, si & prout iuris fuerit faciendum, debita praecedente degradatione, secularis iudicis arbitrio puniendas tradendo.

§.2. Non obstantibus constitutionibus, & ordinationibus Apostolicis, ac Ecclesiarum & Monasteriorum, necnon Ordinum quorumlibet, quorum ipsi Sacerdotes fuerint, etiam iuramento, confirmatione Apostolica, vel quavis firmitate alia roboratis, statutis, & consuetudinibus, priuilegijs quoque, indultis, & litteris Apostolicis sub quibuscunque tenoribus & formis, ac cum quibusuis clausulis, & decretis, etiam Motu proprio, aut alias quomodolibet concessis, etiam iteratis vicibus approbatis, & innouatis. Quibus omnibus, eorum tenores presentibus pro exp: e sis habentes, hac vice dumtaxat specialiter, & expressè derogamus, cæterisq. contrarijs quibuscunque.

Datum Romæ apud S. Petrum, sub annulo Piscatoris, die decimasexta Aprilis, millesimo quingentesimo sexagesimo primo, Pont. nostri anno secundo.

Contrarijs  
derogat.

D. P. An. 2.  
die 16. Apr.

Con-